

Messadi pertuccont la dislocaziun dalla scola superiura Rueun a Glion

Stimau signur president dil parlament
Preziadas parlamentarias, preziai parlamentararis

Ella vischnaunca Ilanz/Glion dat ei momentan dus loghens da scola superiura, in a Glion ed in a Rueun. A Rueun frequentan actualmein era ils scolars superiurs da Vuorz ed Andiastr la scola. Muort la fusiun cun Breil/Brigels vegnan quellas scolaras e quels scolars beingleiti a frequentar la scola a Danis. Aschia croda il diember da scolars a Rueun dallas fracziuns Rueun, Siat e Pigniu a liunga vesta lunsch sut il diember minimal ch'ei fixaus ella lescha da scola cantunala per il scalem superiur. Il diember minimal munta a 17 scolars.

Per quei motiv propona la suprastanza communal al parlament communal d'approbar la dislocaziun dalla scola superiura Rueun a Glion sigl onn da scola 2019/20 sco era d'adattar la correspondentia cunvegientscha culla vischnaunca Breil/Brigels.

Cundiziuns da basa tochen dacheu

Contract da fusiun

Ella rama dil contract da fusiun ein oravontut dus patratgs centrals vegni fixai el sectur da scola: mantener il status quo aresguard ils loghens da scola e promover il romontsch. Formulaziun ord il contract da fusiun (capetel III, alinea 8):

La nova vischnaunca e sia scola s'engaschan per in concept che propona ina decentralisaziun raschuneivla e promovon il manteniment dil lungatg romontsch. Ils loghens da scola dad oz vegnan manteni.

Las scolas dallas vischnauncas romontschas dad oz ein da menar vinavon per romontsch. Ils affons da quels loghens han da frequentar la scola romontscha.

In liug da scola vegn pér serraus, sch'il diember da scolars sutpassa la cefra minimala da scolars tenor la lescha da scola cantunala e sch'ei dat negina lubientscha speciala dil cantun. Ei vegn garantiu da menar vinavon silmeins ina classa romontscha ella nova vischnaunca. Midadas dalla legislaziun surordinada restan resalvadas.

Cunvegientscha culla vischnaunca Breil/Brigels (anteriuras vischnauncas da Waltensburg/Vuorz ed Andiastr)

Entochen la fin digl onn da scola 2013/14 menavan las anteriuras vischnauncas Pigniu, Rueun, Siat (oz Ilanz/Glion) sco era las anteriuras vischnauncas Waltensburg/Vuorz ed Andiastr (oz Breil/Brigels) in consorzi da scola per la scoletta, scola primara e superiura a Rueun. Sigl onn da scola 2014/15 ei quei consorzi da scola vegnius sligiaus ed ina nova cunvegientscha denter la vischnaunca Ilanz/Glion, sco furnitura dalla prestaziun, e las vischnauncas Waltensburg/Vuorz ed Andiastr vegnida

serrada giu. Quella convegnoentscha ha la nova vischnaunca Breil/Brigels surpriu. Senza consentiment vicendeivel sa la convegnoentscha, risguardond il termin da visada dad in onn, vegnir sliada. En cass da consentiment vicendeivel sa la convegnoentscha vegnir sliada ni adattada da tut temps silla fin d'in onn da scola.

Cundiziuns da rama cantunalas

Tenor art. 20 al. 2 dall'ordinaziun da scola cantunala sto in scalem superiu total cumpigliar silmeins 17 scolars. Ina scola primara ed ina scoletta san vegnir menadas cun minimal 5 scolars. Tier ina differenza temporara da quei diember minimal sa il departament conceder ina lubientscha temporara (art. 21 al. 2 ordinaziun da scola) (mira colonna IG).

Midada dallas cundiziuns da rama dapi 2014

Fusiun communal Breil/Brigels per igl 01-01-2018

La nova vischnaunca Breil/Brigels less el futur scolar tut lur scolars ellas scolas a Danis (scola primara e scola superiura), Breil (scoletta, scola primara) e Vuorz (scoletta). Quei munta pil liug da scola Rueun ina ferma reduziun da scolars.

Svilup dil diember da scolars a Rueun (stan per ils 30-08-2018)

Stufe	2018/2019				2019/2020				2020/2021				2021/2022				2022/2023			
	Klassen	WA	IG	alle	Klassen	WA	IG	alle	Klassen	WA	IG	alle	Klassen	WA	IG	alle	Klassen	WA	IG	alle
KG	kleine 2013	4	5	9	kleine 2014	4	2	6	kleine 2015	6	6		kleine 2016	4	7	11	kleine 2017	3	3	6
	grosse 2012	4	2	6	grosse 2013	4	5	9	grosse 2014	4	2		grosse 2015	8	7	15	grosse 2016	4	7	11
	TOTAL	8	7	15	TOTAL	8	7	15	TOTAL	10	8	18	TOTAL	12	14	26	TOTAL	7	10	17
Primarschule	1. Kl.	2	1	10	1. Kl.	4	2	9	1. Kl.	4	5	15	1. Kl.	4	2	15	1. Kl.	6	6	18
	2. Kl.	4	3		2. Kl.	2	1		2. Kl.	4	2		2. Kl.	4	5		2. Kl.	4	2	
	3. Kl.	3	4		3. Kl.	4	3		3. Kl.	2	1		3. Kl.	4	2		3. Kl.	4	5	
	4. Kl.	2	7	16	4. Kl.	3	4	14	4. Kl.	4	3	10	4. Kl.	2	1	9	4. Kl.	4	2	15
	5. Kl.	3	5		5. Kl.	2	7	17	5. Kl.	3	4	16	5. Kl.	4	3		5. Kl.	2	1	10
	6. Kl.	1	3	12	6. Kl.	3	5		6. Kl.	2	7	16	6. Kl.	3	4	14	6. Kl.	4	3	10
	TOTAL	15	23	38	TOTAL	18	22	40	TOTAL	19	22	41	TOTAL	21	17	38	TOTAL	24	19	43
Oberstufe	1. Sek.	2	1	4	1. OS	1	3	4	1. OS	3	5	8	1. OS	2	7	9	1. OS	3	4	7
	1. Real		1																	
	2. Sek.	1	2	7	2. Sek.	2	1	4	2. OS	1	3	4	2. OS	3	5	8	2. OS	2	7	9
	2. Real	1	3		2. Real		1													
	3. Sek.	2	1	6	3. Sek.	1	2	7	3. Sek.	2	1	4	3. OS	1	3	4	3. OS	3	5	8
	3. Real	2	1		3. Real	1	3		3. Real		1									
TOTAL	8	9	17	TOTAL	5	10	15	TOTAL	6	10	16	TOTAL	6	15	21	TOTAL	8	16	24	

WA: Waltensburg/Vuorz ed Andiast

IG: Ilanz/Glion

Ella prognosa dil diember da scolars ei buca risguardau eventualas midadas sil scalem dil progimnasi. Per quei motiv vegn il diember da scolars effectiv ad esser pli bass.

Nov'ulivaziun da finanzas dapi 2016

Igl onn 2016 ei la nov'ulivaziun da finanzas el cantun Grischun ida en vigur. L'ulivaziun da grevezias en fatgs da scola risguarda sco factur il diember da scolars per habitont ni habitonta. Loghens da scola decentralis sco ella vischnaunca Ilanz/Glion vegnan buca risguardai en quei sistem.

Tenor la suprastanza communal stat la dislocaziun dalla scola superiura Rueun arresguard allas cundiziuns da ramas adattadas buca en cuntradiziun cun il contract da fusiun, ch'ei entaus en vigur igl 1. da schaner 2014.

Consequenzas d'ina dislocaziun dalla scola superiura Rueun a Glion

- Ils scolars da Rueun, Siat e Pigniu frequentan naven digl onn da scola 2019/2020 la scola superiura a Glion. Ils scolars da Vuorz ed Andiastr vegnan naven da lu integrai ella scola superiura da Breil/Brigels a Danis.
- Lungatg: Ils scolars dallas vischnauncas romontschas vegnan scolai el rom romontsch sco era en in tierz dallas lecziuns lateralas el lungatg romontsch, tgei che corrispunda allas prescripziuns cantunales per in scalem superiur romontsch. Ils scolars da Rueun vegnan aschia integrai ella partiziun romontscha a Glion e rinforzeschan era quella.
- Tip da scola: A Glion vegn la scola superiura menada tenor il model da scalem superiur C cun roms da niveau. Quei munta ch'ils scolars vegnan promovì els roms principals (lungatgs e matematica) suenter lur capacitads en dus differents niveaus.
- Classas da tschep: Las classas da tschep ein medemamein mischedadas (scolars secundars e reals).
- Grondezia dallas classas: Las classas ein pli grondas che quellas dalla scola superiura Rueun, ei dat dapli contacts ed era concorrenza.
- Roms facultativs: Muort la grondezia sa la scola superiura Glion porscher ina pli gronda purschida da roms facultativs.
- Via da scola: Per scolars da Siat e Pigniu sco era daniev da Rueun vegn la via da scola pli liunga. Igl ei previu ch'ils scolars da Rueun san passentar lur pausa da miezgi a casa. Per scolars da Siat eis ei d'anflar sligiazions individualas.
- Meisa da miezgi: Il liug da scola a Glion porscha ina meisa da miezgi per scolars che van buc a casa sur miezgi.
- Casas da scola Rueun: Tochen uss eran las vischnauncas Ilanz/Glion e las anteriuras vischnauncas da Vuorz ed Andiastr proprietarias dalla casa da scola superiura. En connex culla contribuziun cantunala per la fusiun da Breil/Brigels ha il cantun era indemnisau ina contribuziun per la casa da scola superiura. Aschia ei la vischnaunca Ilanz/Glion suletta proprietaria dalla casa da scola, ch'ei pér 20 onns veglia ed en in bien stan. Quei possibilitescha alla scola primara da far diever da quella casa da scola. Propostas concretas per l'utilisaziun dalla casa da scola primara vita dat ei aunc buca.
- Personas d'instrucziun: Tier l'integraziun dils scolars dalla superiura da Rueun, Siat e Pigniu ella superiura da Glion sa il diember da personas d'instrucziun ella vischnaunca Ilanz/Glion vegnir reducius. Grazia a pensiunaments che succedan proximamein, la fluctuaziun natirala e contracts da lavur limitai sa la reducziun probablamein succeder senza visadas da piazza.

Ils 19 da zercladur 2018 ha giu liug in'informaziun publica a Rueun.

Consequenzas finanzialas

Ella rama dil messadi davart il preventiv 2018 *reducziun d'expensas els secturs da formaziun e dil forestalesser* ha la suprastanza communal demussau las consequenzas d'ina dislocaziun dalla superioriura da Rueun a Glion.

Reducziun d'expensas	ad onn	uost - dec. 2019
Reducziun pagas	CHF -375'000.00	CHF -144'230.80
Reducziun pensum directiv	CHF -11'000.00	CHF -4'230.80
Reducziun lavur sociala da scola	CHF -10'000.00	CHF -4'166.70
Cuosts da manteniment e gestiun baghetg scola primara	CHF -15'000.00	CHF -6'250.00
Cuosts da transport supplementars	CHF +6'000.00	CHF +2'500.00
	CHF -405'000.00	CHF -156'378.30

Las cefras demuossan claramein che la dislocaziun dalla scola superioriura da Rueun a Glion ha in effect considerabel sils cuosts. A vesta dalla situaziun finanziaria pauc legrevla dalla vischnaunca ei quei era da risguardar. Ils respargns suramussai stattan ella resalva ch'ei vegn menau neginas classas da tschep ulteriuras sil scalem superior a Glion. Decisiv per quei ein la grondezia dallas annadas ed il diember d'examins d'admissiun per scolas cuntinuontas.

Facit

La suprastanza communal sco era il cussegl da scola ein perschua di che l'integraziun dils scolars superiors da Rueun, Siat e Pigniu a Glion ei buca mo supportabla, mobein ina buna sligiazion per ils giuvenils pertuccai. Els survegnan access ad ina pli gronda purschida da roms, san vegnir promovì pli specific el model da supeiura C e tgiran novs contacts.

Proposta

Sin fundament dallas explicaziuns precedentas fa la suprastanza communal suandontas propostas al parlament communal:

- La scola superioriura Rueun seigi da dislocar sigl onn da scola 2019/20 a Glion resp. d'integrar ella scola superioriura Glion.
- La cunvegnientscha cun la vischnaunca Breil/Brigels seigi d'adattar correspudentamein.
- La suprastanza communal ed il cussegl da scola vegnan autorisai da realisar quella decisiun.